



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

IV. Quid super quæstione in Sectione præcedenti proposita sentiendum
videatur.

urn:nbn:de:hbz:466:1-38954

enum est. Neque dicas non excludi positiuè, sed tantum negatiuè; quia quoad effectum nihil interest, cum æquè certò & infallibiliter exclusio negatiua atque positiua sum effectum consequatur. Neque item dicas, hanc exclusionem non esse factam nisi post præuisum peccatum originale, Deumque posse iuste à gloria sua tali peccato infectos excludere; quia, et si per iustitiam possit, tamen id per misericordiam non fecisse, sed è contrà omnium salutem voluntate antecedenti velle, & copiosam pro omnibus redemptionem dedisse multis in locis scriptura testatur, ut patebit ex dicendis in tractatu de Incarnatione & de Gratia.

SECTIO IV.

Quid super questione in sectione præcedenti proposita sentiendum videatur.

VT in quaestione difficulti & obscura lucem aliquam afferamus, neque tamen limites nobis propositos excedamus, tria hic breuiter pro illius resolutione dicenda sunt,

Primum est, nihil adhuc ab Ecclesia definitum esse super illa quaestione, ac proinde liberum esse uniuicue illud, tenere quod sibi probabilius videbitur: & quamvis (vt sincerè loquaimur) verum sit S. Augustinum magis propendere in eam sententiam, quæ dicit electionem ad gloriam factam esse ante præuisa merita; eius tamen authoritas, licet maximi facienda, nullam secum fidei obligationem inuehit, vt satis evidens est; tum ex eo, quod d tot maximi nominis Doctores & maximè catholici, qui sectione præcedenti citati sunt, non solum ab hac sed & ab alijs plurimis S. Augustini sententijs aperte dissident; tum etiam ex ijs, quæ idem S. Augustinus pro singulari sua & prorsus admirabili modestia & humilitate de seipso ac scriptis suis dixit varijs in locis, & præsertim epist. 7. ad Marcellinum, & in prologo suarum Retractationum:

E 6

tionum:

tionum: quamdiu enim super aliqua questione nihil ab Ecclesia definitum est, unicuique sine cuiusquam præ iudicio in suo sensu abundare permisum est.

Secundum est, quod licet utraque non solum sit pietati consentanea, sed & plurimis tum rationibus tum authoritatibus fulciatur; illam tamen, quæ afferit electio nem absolutam & efficacem ad gloriam non nisi ratione prauitorum meritorum a Deo factam esse, videri longe probabiliore: quod constare potest tum ex authoritatibus & rationibus in eius probationem adductis, tum etiā ei refutatione eoru, quæ pro sententia opposita allata sunt.

Ad primum enim locum scripturæ respondendum est, Christum Dominum loqui de complacentia dandi regnum, non absoluta, sed conditionata; sicut & promissio dandi eiusdem regni non absoluta sed conditionata est, ut expressè definuit Concilium Trident. sess. & can. 2o.

Ad secundum, vitam æternam dici ab Apostolo gratiam Dei, non quia gratis absolute decreta sit, sed quia per gratiam Dei obtinenda sit; & præterea quia, cum talis & tanta sit, tamen pro valde exiguis operibus ex gratuito Dei beneplacito sit tanquam mercede constituta.

Ad tertium, dicendum est præordinationem illam intelligendam esse, non ad gloriam sed ad fidem & iustificationem; *instus* enim (vt ait Apostolus Rom. 1.) ex fide visuit; & cùm auerterit se impius ab iniurare suis, &c. ipso animam suam vivificabit, vt ait Propheta Ezech. 18. ac proinde recte per præordinatos ad vitam intelligere possumus præordinatos ad fidem & ad iustificationem.

Ad quartum, verum esse eos, qui à Deo per gratiam vocantur, ut ex peccatoribus fiant iusti & sancti, vocari ad illam gratiam non ex meritis, sed ex gratuito Dei proposito, ut ex antedictis patet. Verba autem, quæ sequuntur (quos præscivit & prædestinavit) sic intelligenda esse, quos præscivit per vocationem gratia sua, fident & charitate in habituros, eos prædestinavit, ut essent conformati Filio suo, itaque sicut Filio tribulationes cooperantur bonum, ita & illis cooperabuntur. Ita S. Cyri-

apud

apud Decumenum in hunc locum; S. Amb. lib. 5. de fi-
de cap. 3. S. Chrysost. hom. 15. in epist. ad Rom. & alij.

Ad rationem denique respondetur, Deum intendere
gloriae collationem non simpliciter, nec tanquam purum
& gratuitum donum, sed tanquam mercedem & præmi-
um honorum operum & meritorum, ut manifeste testatur
scriptura, quæ varijs in locis sub nomine mercedis gloriæ
eternam designat: unde sequitur, quod Deus nullum ad e-
am ab æterno efficaciter elegerit: nisi quæ bonis operibus
& finali persenerantia illam promeritum esse præuidit.

Tertium denique est, hanc secundam sententiam,
quam probabiliorem esse diximus, nullo modo derogare
(quod aliqui sine ratione inficiantur) summa & communio-
na illi dependentia, quam homo in se agnoscere & pro-
ficiari debet respectu diuinæ potentiae & misericordiæ in
negocio salutis: cum illa siquidem sit semper inconcussa
veritas illa, quam ut basim & fundamentum totius Christi-
anæ pietatis sæpius ingerit S. Augustinus: nihil in se
habere hominem, unde coram Deo gloriari pos-
sunt, nihil ex se posse in salute sibi procuranda, quod Deo
acceptum referre non debeat; nullum ex se meritum pro-
ferre, quod gratia Christi adscribere non teneatur. Decre-
uit quidem Deus ab æterno gloriam homini ob merita
conferre, sed quid ex se mereri potest, qui nequidem ali-
quid boni cogitare ex se sufficiens est? Unde, cum sine
gratia diuina auxilio nihil omnino possit, gratia autem illa
sit ei prorsus indebita, & ex pura tantum Dei misericor-
dia concedatur; sequitur ut & merita omnia & gloria ipsius
præmia, tanquam gratia munera & diuinæ misericordiæ
dona, debeat agnoscere. Cum autem gratiam illam
Deus non æqualiter & uniformiter omnibus, sed unicuique,
prout vult, largiat, & uni quidem maiorem, alte-
ri minorem; huic efficacem tribuat, illi non item; istum
modo speciali ad se trahat, alium derelinquit; vere ac
merito cum Apost. Rom. 11. dicere semper debemus: O
altitudo diuinarum sapientia, & scientie Dei: quam incompre-
hensibilia sunt iudicia eius, & inuestigabiles via eius! (&

E 7

Rom.

Rom. 9.) Nunquid dicit segmentum ei, qui se fixit: quid me fecisti sic? an non habet potestatem figurum tati, ex eadem massa facere, aliud quidem vas in honorem, aliud vero in contumeliam?

SECTIO V.

Quinam sunt effectus prædestinationis & reprobationis.

Quamuis (vt recte docet S. Thomas) i. p. q. 23. a. 2. prædestinatio formaliter non sit in prædestinato, sed in Deo prædestinante; nihilominus, in quantum executioni mandatur, aliquos effectus producit in ipso prædestinato, de quibus quaestio proposita intelligenda est. Pro cuius resolutione.

Dicendum i. duos esse in genere effectus prædestinationis, gratiam scilicet & gloriam. Porro quia gratia duplex est, vna actualis, quæ dicitur gratia vocationis, altera habitualis, quæ vocatur gratia iustificationis; hinc factum est, vt primus ille effectus nomine gratiæ comprehensus in duos subdividatur; & sicut tres præcipui effectus prædestinationis numerentur, nempe vocatio, iustificatio & glorificatio, iuxta doctrinam Apost. Rom. 8. *Quos prædestinavit, hos & vocauit; & quos vocauit, hos & iustificauit: quos autem iustificauit, illos & glorificauit.*

Est autem obseruandum, ad gratiam vocationis reduci omnia auxilia & adiumenta, non solum interna, sed etiam externa, quæ ad iustificationem suo modo simul cum internis concurrunt; vt externa Euangelij prædicatio, à parentibus Christianis ortus & educatio, occasionum peccandi remotio, cum pijs & bonis conuersatio, fraterna correctio, & alia similia. Ad gratiam quoque iustificationis pertinere omnes alios habitus supernaturales, qui simul cum ipsa gratia habituali infunduntur; vt habitus fidei, spei, charitatis, & aliarum virtutum supernaturalium, item dona Spiritus Sancti, gratias sacramentales ac donum finalis perseverantia. Ad glorificationem

denique